



Republika e Kosovës
Republika Kosova - Republic of Kosovo
Qeveria - Vlada - Government

Ministria e Kulturës, Rinisë dhe Sportit
Ministarstvo Kulture, Omladine i Sporta
Ministry of Culture, Youth and Sport

Prishtinë, Prill 2024

THIRRJA PËR PROJEKT-PROPOZIMET PËR DOKUMENTIM DHE PROMOVIM NË FUSHËN E SPORTIT

Ministria e Kulturës, Rinisë dhe Sportit (MKRS), në kuadër të planit të punës të departamentit të sportit për vitin 2024, ka prioritzuar mbështetjen financiare për projekt propozimet për dokumentim dhe promovim në fushën e sportit. Duke konsideruar se sporti në Kosovë është pjesë e pandashme e historisë, përpjekjes kolektive për kulturë sportive, pavarësi dhe zhvillim, si dhe duke njohur rëndësinë e personaliteteve të shumta sportive për vendin, përmes kësaj thirrje publike, MKRS ka për qëllim mbështetjen direkte të atyre të cilët synojnë dokumentimin dhe promovimin e së kaluarës sportive vendore, si dhe hulumtimin e trendeve aktuale të së ardhmes në fushën e sportit.

Në funksion të kësaj politike programore, MKRS fton organizatat joqeveritare (të regjistruara sipas kërkesave të legjislacionit në fuqi për lirinë e asociimit në organizata joqeveritare në Republikën e Kosovës) dhe individët profesionistë të aplikojnë me projekte të cilat ndërlidhen me:

- Dokumentimin dhe promovimin e historisë sportive në vend;
- Krijimin e dokumentarëve, filmave të shkurtër apo videove informuese që tematikë kanë sportin;
- Hulumtimin e së kaluarës sportive dhe prezantimin e gjetjeve;
- Organizimin e ekspozitave me tema të ndërlidhura me sportin;
- Botimin dhe përkthimin e librave të ndërlidhura me fushën e sportit;

Kriteret e përgjithshme minimale për OJQ, të përcaktuara me dispozitat në vijim:

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës;
- Të jenë të pajisur me numër fiskal sipas kërkesave të legjislacionit tatimor të

Republikës së Kosovës, përkatësisht dokumentacionin ekuivalent sipas legjislacionit të shtetit përkatës për OJQ-në e huaj;

- Të kenë kryera të gjitha detyrimet nga mbështetja financiare paraprake, nëse kanë përfituar nga burimet publike të financimit;
- Të mos kenë pranuar mjete nga burime e tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe Ministrisë së Kulturës, Rinisë dhe Sportit, siç parashihet me legjislacionin në fuqi në Republikën e Kosovës Stafi i angazhuar për realizimin e projektit nuk lejohet të jetë i punësuar në MKRS ose në institucionet vartëse të saj;
- Vërtetimin që OJQ-ja nuk ka obligime tatimore (nga ATK).

Kriteret e përgjithshme minimale për INDIVIDË, të përcaktuara me dispozitat në vijim:

- Të ofrojnë dëshmi të regjistrimit civil në Republikën e Kosovës apo në shtetin ku është e koncentruar diaspora;
- Të kenë kryera të gjitha detyrimet nga mbështetja financiare paraprake, nëse kanë përfituar nga burimet publike të financimit;
- Të mos kenë pranuar mjete nga burime e tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe Ministrisë së Kulturës, Rinisë dhe Sportit, siç parashihet me legjislacionin në fuqi në Republikën e Kosovës. Stafi i angazhuar për realizimin e projektit nuk lejohet të jetë i punësuar në MKRS ose në institucionet vartëse të saj;

OJQ-të dhe Individët nuk kanë të drejtë të aplikojnë me më shumë se 1 projekt-propozim në këtë thirrje publike.

Kjo thirrje publike nuk vlen për Federatat Sportive dhe organizatat e tjera ombrellë të cilat e kanë buxhetin e siguruar në përputhje me Ligjin nr. 2003/24 të Sportit, dhe Ligjin Nr.04/L-075 për ndryshimin dhe plotësimin e ligjit Nr.2003/24 për sport.

Vlerësimi i projekt-propozimeve do të zhvillohet në dy faza:

- 1. Vlerësimi administrativ** që identifikon: Nëse aplikanti ka ofruar të gjithë dokumentacionin e nevojshëm në përputhje me kriteret e përgjithshme të përcaktuara me këtë thirrje publike për kategoritë përkatëse.
- 2. Vlerësimi përmbajtësor** që identifikon:
 - Nëse projekt-propozimi përputhet me fushëveprimin e kësaj thirrjeje publike;
 - Nëse projekt-propozimi kontribuon në përmbushjen e objektivave të përcaktuara me këtë thirrje publike;
 - Nëse kostot e kërkesës së projekt-propozimit janë reale karshi çmimeve të tregut;
 - Nëse aplikanti ka përfunduar të gjitha obligimet paraprake ndaj MKRS-së (nëse është përfitues i thirrjeve paraprake);

Kush mund të aplikojë:

Të drejtë aplikimi me projektet e tyre kanë OJQ-të dhe Individët që aplikojnë me projekte të ndërlidhura me qëllimin dhe objektivat e kësaj thirrjeje publike. Varësisht prej projektit me të cilin aplikohet, OJQ-të dhe individët obligohen që të përfshijnë profesionistë të profileve përkatëse në përputhje me fushëveprimin e projektit: dokumentar, film, ekspozitë, botim i librit etj. OJQ-të duhet po ashtu të kenë kryer transaksionet financiare në mënyrë transparente sipas legjislacionit në fuqi, në përputhje me rregullat e kontabilitetit, si dhe të kenë të përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike.

Do të konsiderohen për mbështetje financiare vetëm projekt-propozimet që janë dërguar/pranuar brenda afatit të paraparë, të cilat i përmbushin kushtet e përcaktuara me këtë thirrje publike. Afati i fundit për dorëzimin e propozimeve është 15 ditë pune pas hapjes së thirrjes dhe përfundon me datën **13 maj 2024.**

Periudha e zbatimit të projekt-propozimit:

Projekt-propozimi përfitues në këtë thirrje publike duhet të zbatohet në tërësi deri më **30.11.2024**, ndërsa procedurat e raportimit dhe dorëzimit të draftit të plotësuar të programit duhet të përfundohen deri më datën **15.12.2024**.

Shkalla e mbështetjes:

- | | |
|--|-----------------|
| • Shuma maksimale e mbështetjes për përfituesit: | 15,000.00 Euro |
| • Shuma totale e mbështetjes për këtë thirrje: | 300,000.00 Euro |

Dokumentet e nevojshme

Aplikimi do të konsiderohet i plotë nëse përmban të gjitha format e aplikimit dhe anekset e detyrueshme siç kërkohet në thirrjen publike dhe dokumentacionin e thirrjes si në vijim:

- Formulari i Aplikacionit për projekt/programin;
- Formulari i Propozim buxhetit;
- Formulari i deklaratës për financimit të dyfishtë;
- Formular i deklaratës së partneritetit (nëse ka);
- Forma e deklaratës së projekteve të financuara më herët nga MKRS;
- Dokumentacionet e OJQ-së:
 - Certifikata e regjistrimit
 - Certifikata e numrit fiskal,
 - Portfolio e aktiviteteve gjatë dy viteve të fundit,

- Dokumentacioni për bartësin e projektit dhe individët/profesionistët e angazhuar:
 - Letërnjoftimet,
 - CV-të me përgatitje profesionale;
- Në rast të aplikimit për dokumentar, filma të shkurtër apo video informuese, aplikuesi duhet të bashkëngjisë së paku 2 produkte mostër të punës së tyre paraprake që mund të jenë të ngjashëm me projekt-propozimin që aplikojnë si dhe portfolion e 3 viteve të fundit ose CV-të e të angazhuarve në film (regjisor, producenti etj.);
- Në rast të aplikimit për ekspozita, aplikuesi duhet të bashkëngjisë CV-në e kuratorit të ekspozitës me të cilin do të bashkëpunojë, si dhe portfolion e kuratorit me së paku 2 ekspozita të publikuara;
- Në rast të aplikimit për botim apo përkthim të librit, aplikuesi duhet të bashkëngjisë CV-të e profesionistëve me të cilët do të bashkëpunojë (autori, lektori, përkthyesi, dizajneri etj.).

Në rast të dështimit për të përmbushur ndonjërin nga kriteret e përgjithshme apo të veçanta të përcaktuara me këtë thirrje publike për kategoritë përkatëse, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Mënyra e Aplikimit:

Propozimet do të dorëzohen vetëm në formularët e paraparë, të cilat janë në dispozicion në web-faqen e MKRS-së: www.mkrs-ks.org. OJQ-të duhet të aplikojnë në thirrje vetëm përmes postës elektronike në email adresën: dep.sportit@rks-gov.net
Projekt-propozimet e shtypura në formë fizike nuk do të pranohen për shqyrtim.

Titulli që duhet shënuar në subjekt të emaili-it:

“Thirrja për Dokumentim_Emri i OJQ-së/ individit”

Më shumë informacione rreth thirrjes publike:

Të gjitha çështjet që lidhen me thirrjen publike **“Thirrja për Dokumentim dhe Promovim në Fushën e Sportit”**, mund të sqarohen vetëm në mënyrë elektronike, duke dërguar e-mail në adresën fidan.shatri@rks-gov.net, jo më vonë se pesë ditë para mbylljes së thirrjes publike.